

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԵՐԵՎԱՆ ՔԱՂԱՔԻ ԱՎԱԳԱՆԻ**

«---» հոկտեմբերի 2015թ.

N-----Ա

ՈՐՈՇՈՒՄ

**ԷՂԻԿ ՀԱԿՈՒԹՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ
ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ**

Հիմք ընդունելով Հայաստանի Հանրապետության կառավարության 1999 թվականի օգոստոսի 31-ի «Հայաստանի Հանրապետությունում պետական և հասարակական նշանավոր գործիչներին նվիրված հուշարձանների իրականացման կարգը հաստատելու մասին» N 551 որոշմամբ հաստատված կարգի 2-րդ կետը՝

Երևան քաղաքի ավագանին որոշում է.

Տալ համաձայնություն վաստակաշատ շինարար Էդիկ Հակոբյանի հիշատակը հավերժացնող հուշատախտակը Կոբյունի փողոց հ.1 հասցեում փակցնելու համար:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՔ – ՀԻՄՆԱՎՈՐՈՒՄ
«ԷՂԻԿ ՀԱԿՈՔՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ
ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆԻ ԱՎԱԳԱՆՈՒ ՈՐՈՇՄԱՆ
ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՑԱԼ

Վաստակաշատ շինարար Էդիկ Հակոբյանը ծնվել է 1935թ. Երևանում: 1958թ. ավարտել է Երևանի պոլիտեխնիկական ինստիտուտի շինարարական ֆակուլտետը և որպես երիտասարդ մասնագետ ուղարկվել է աշխատելու Չեչենո-Ինգուշական Ինքնավար Հանրապետության մասնագիտացված շինմոնտաժային վարչություն: Վերադառնալով Երևան՝ 1960-1975թթ. աշխատել է «Երթիմշին» տրեստում, ղեկավարել է «Նաիրիտ» քիմկոմբինատի մի շարք օբյեկտների շինարարությունը:

Նա աշխատանքային բարձր նվաճումների և հմուտ ղեկավարման համար 1975թ. առաջադրվել է Երթադործկոմի «Երկոմունշին» գլխավոր վարչության պետի պաշտոնում:

Էդիկ Հակոբյանը 1981թ. նշանակվել է Հայաստանի արդյունաբերական շինարարության նախարարի տեղակալ «Երևանշին» շինմոնտաժային միավորման տնօրենի պաշտոնում:

1990-1997թթ. Էդիկ Հակոբյանն աշխատել է Երթադործկոմի «Քաղշին» շինմոնտաժային միավորման պետի պաշտոնում: 1998-2000թթ. ղեկավարել է «Պրոմթեսու-Քիմարդ» ընկերության շինարարության պետի, գլխավոր տնօրենի առաջին տեղակալի պաշտոնը: 2001-2000թթ. նշանակվել է «Ռուսհայիաց» ընկերության շինարարության պետի պաշտոնում:

Էդիկ Հակոբյանը երկար տարիներ եղել է նաև Երևանի քաղխորհրդի պատգամավոր, գործկոմի անդամ, արժանացել է «ԽՍՀՄ նախարարների խորհրդի» մրցանակին, պարգևատրվել է «Աշխատանքային կարմիր դրոշի», «Ժողովուրդների բարեկամության» շքանշաններով, «Աշխատանքի վետերան», «Քաջարի աշխատանքի համար» կրծքանշաններով և մի շարք պատվոգրերով:

Վաստակաշատ շինարար Էդիկ Հակոբյանի հիշատակը հավերժացնող հուշատախտակը Կորյունի փողոց հ.1 հասցեում փակցնելու վերաբերյալ միջնորդություններ են ներկայացվել ՀՀ քաղաքաշինության նախարար Ն. Սարգսյանի, ՀՀ շինարարների միության նախագահ Գ. Գալստյանի և ՀՀ ճարտարապետների միության նախագահ Մ. Մինասյանի կողմից:

Հաշվի առնելով վերոգրյալը և հիմք ընդունելով Հայաստանի Հանրապետության կառավարության 1999 թվականի օգոստոսի 31-ի «Հայաստանի Հանրապետությունում պետական և հասարակական նշանավոր գործիչներին նվիրված հուշարձանների իրականացման կարգը հաստատելու մասին» N 551 որոշմամբ հաստատված կարգի 2-րդ կետը՝ Երևան քաղաքի ավագանու քննարկմանն է ներկայացվում սույն որոշման նախագիծը:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

**«ԷԴԻԿ ՀԱԿՈՔՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ»
ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ
ԲՅՈՒՋԵՈՒՄ ԼՐԱՑՈՒՄՆԵՐ ԵՎ/ ԿԱՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

«Էդիկ Հակոբյանի հիշատակը հավերժացնող հուշատախտակի տեղադրման մասին» որոշման նախագծի ընդունման կապակցությամբ Երևանի բյուջեում լրացումներ և/ կամ փոփոխություններ կատարելու անհրաժեշտություն չի առաջանում:

ՏԵՂԵԿԱՆՔ

**«ԷԴԻԿ ՀԱԿՈՔՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ»
ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԱՅԼ
ԻՐԱՎԱԿԱՆ ԱԿՏԵՐՈՒՄ ԼՐԱՑՈՒՄՆԵՐ ԵՎ/ ԿԱՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ
ՄԱՍԻՆ**

«Էդիկ Հակոբյանի հիշատակը հավերժացնող հուշատախտակի տեղադրման մասին» որոշման նախագծի ընդունման կապակցությամբ այլ իրավական ակտերում լրացումներ և/ կամ փոփոխություններ կատարելու անհրաժեշտություն չի առաջանում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ